



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

VI. Ecclesia Gallicana non solùm utebatur in juridicis Codice Canonum, sed etiam canonibus Gallicanis, è synodo Vasensi, & Cæsario, & Agobardo. Qui etiam obtinebant in Hispania.

**urn:nbn:de:hbz:466:1-15591**

propter vulgatam eorum famam, ponuntur. Infrā: Ceterum iidem canones qui vocantur *Apostolorum*, non ab Apostolis conscripti esse creduntur. Mox: Sed & B. Gelasius in catalogo, qui libri ab Ecclesia recipiantur, de his *Apostolorum* canonibus penitus tacuit, sed nec inter apocrypha eos misit. Quapropter in lectōne illorum sequenda est cautela ab eodem S. Gelasio premonita: Cum hec, inquit, ad catholicorum manū advenient, beati Pauli Apostoli precedat sententia, que dicit: Omnia probate, quod bonum est tenete. Incidit Hincmarus in codicem mutilum synodi Romanæ sub Gelasio, in quo liber canonum apostolicorum est omisus, qui in vulgatis codicibus inter apocryphos recensetur, ut dixi capite superiori. Ceterum collectio Isidori non dissimulavit etiam quinquaginta capitula horum canonum ab omnibus non probari: cùm in genere ante de omnibus dixisset, ab hereticis esse confitos, & à sede apostolica repudiatos. Quod sāne de quinquaginta canonibus dici non potest, quos sedes apostolica inter ceteros canones numeravit; ut patet è Ioannis II. epistola, & decretis Zachariae, que Isidori collectionem praecedunt. Itaque recte Leo IV. ceteris canonibus quos Ecclesia Romana in iudiciis sequebatur, apostolicos quinquaginta adjungit; & Humbertus Silvæ-Candidus Episcopus in Disputatione adversus Nicetam, his solis vim canonum tribuit, ceteris in numerum apocryphorum rejectis.

IV. Ceterum è loco Gregorij Turonen sis egregiè probatur usus codicis canonum qui obtinebat in Gallia. Eius auctoritas recepta quoque erat in Hispania, ut patet ex Concilio Bracarensi habitu anno quingen tesimo sexagesimo tertio. Verum Martinus Bracarensis Episcopus, qui è Græcia migraverat in Hispaniam, novam collectiōnem instituit, eo consilio, ut Latinæ interpretationi vel obscuræ vel minus emendatæ scriptæ consuleret, atque contraficiis in pauca canonum verbis unum capitulum è variis locis interpolaret; ea methodo usus, ut qua ad Episcopos & Clerum pertinerent, in prima parte, quæ ad laicos, in secunda conscriberet. Hæc collectio à Concilio Lucensi in Gallæcia probata fuit anno D L X X I, quam sāpe laudat Gratianus sub nomine Martini Papæ in Concilio. Eversa tandem per bellorum civilium motus in Galliis ecclesiastica disciplina, cùm Pippinus Major domus de ea restituenda sollicitus, consilio Ecclesia Gallicanæ Zachariam Papam de quibusdam articulis consiliosissimo anno D C C X L V I I. Summus Pontifex viginti septem capitulis consultationi respondit,

quæ Canonibus & Decretis Pontificum è collectione Dionysij ad verbum transcripsit munivit. Vbi profert canones apostolicos, Ancyranos, Neocæsarienses, Antiochenos, Chalcedonenses, Africanos, & Decreta Siricij, Innocentij, Leonis, & Gelasij, iidem numeris distincta quibus apud Dionysium. Tandem Hadrianus primus codicem illum Carolo Magno dono dedit, ut testantur versus Hadriani ad Carolum prescripti: *A lege nunquam discede, huc observans statuta; non quod Gallia eo libro caret; sed ut munere illo, quæ partes Regis essent, & omne studium ad tuendos canones, & Decreta Pontificum illo codice comprehensa, impendere admoneretur.* Quod ille sanè egregiè præstítit, & successoribus suis exemplum hujus curæ subeundæ præbuit. Porro in Capitularibus suis non solum Dionysij interpretatione, sed etiam veteri, quæ extat in collectione Isidori, promiscuè utitur.

V. Codex ille canonum auctoritatem suam inviolatam retinebat anno D C C X L I X, cùm Leo IV. Pontifex, Relatione Episcoporum Britanniæ consultus, respondit apostolicam sedem in ecclesiasticis iudiciis canones tantum usurpare, & *Decretalium regulas, id est, inquit, que habentur apud nos simul cum illis in canone.* Tum canones recenseret, & Decreta Pontificum, quæ collectione Dionysij continentur. Locus hujus epistolæ, quæ integra extat tomo tertio Conciliorum Galliæ, relatus apud Gratianum, sinceram genuinamque Leonis mentem prodit. Etenim suppositiis antiquorum Pontificum epistolis, quæ jam à sexaginta annis sub Isidori nomine consarcinatae, per Europam sparsæ vulgabantur, locum inter canones dare noluit. Hæc est enim verborum illorum sententia, cùm de regulis Decretalium loquitur, *id est, que habentur apud nos simul cum illis in canone;* statimque non Anacleti, Evaristi, ceterorumque Pontificum *γένεται* epistolas enumerat, sed Siricij, Innocentij, Zozimi, & aliorum Pontificum, quæ habentur in collectione Dionysij. Quare quod Leo Pontifex ad cetera decreta Silvestri canones adjungit, omnino delendum est; quia, sine dubio, vitio exscriptoris in textum irrepsit; præsertim cùm illa tempestate nondum Canones Silvestri nec apud sedem apostolicam nec apud provincias recepti fuissent, ut docet Hincmarus.

VI. Observandum tamen est, Ecclesiam Gallicanam in controversiis dirimendis non solo codice canonum usam, sed etiam Gallicanarum synodorum canones usurpasse;

*Isidorus in Prefat.  
Propriis eorum au  
torebus ceteri  
preservantur. Ca  
nones, qui dicuntur  
Apostolorum,  
libet à quibusdam  
apocryphi dicantur.*

*Ioannes II. an 534.  
Zachariam an. 747.*

*Humbertus an.  
1049.  
Canonis Aposto  
lorum numerantur  
inter apocryphas,  
excepto capitulu  
so, que derreve  
runt regulam or  
thodoxiæ adiun  
genda.*

*Hincmarus pp. 5  
c. 11. Sc. pag. 10  
Mogaz.*

Concilij Valentini ad. p. 51.  
Cœlii ep. 48. p. 52.  
quorum apud majores nostros non vilis erat  
auctoritas. Etenim, ut inquit Concilium  
Vasense, omnia que à sanctis sacerdotibus vel  
Clericis observari debent, & antiqui & novelli  
canones probare videntur. Quare Cæsarius  
Arelatensis in causa Contumeliosi Regen-  
sis Episcopi, non solum canones à Iohanne  
II. prolatos encyclica sua epistola comple-  
xus est, sed etiam Gallicanos canones, quos  
à ceteris hoc lemmate distinxit: *Incipiunt  
Tituli Canonum Gallicani.*

Statimque subjun-  
git canonem i.v. Concilij Valentini, cano-  
nem i.x. Concilij Aurelianensis, xxi i.i.  
Arausiani primi, & xxii. Concilij Epao-  
nenesis, tum epistolam suam his verbis clau-  
dit: *Ecce manifestissime constat quia secundum  
quod & tituli antiquorum patrum, sed & Cano-  
nes Gallicani continere videntur, Clerici in  
adulterio deprehensi, aut ipsi confessi, aut ab  
aliis revicti, ad honorem redire non possint.*  
Canonum Gallicanorum usum in Hispania  
propagatum fuisse docet Concilium Tarra-  
conense habitum anno DXXII. cùm de-  
cernit de monachis, *canonum ante omnem Gal-  
licanorum constitutionem esse servandam.* Quo-  
niam verò, ut docuit Augustinus, Concilia  
provinciarum, plenariorum Conciliorum  
auctoritati, quæ sunt ex universo orbe  
Christiano, sine ulla ambigibus cedunt;  
canones Gallicani in iis causis obtinent,  
quæ canonibus antiquis definite non sunt.  
Agobardus in libro  
de Rebus legum  
Constanti cap. 10.  
Hoc monuit Agobardus Episcopus Lug-  
dunensis, qui sub Ludovico Pio floruit, ca-  
nonum Gallicanorum sanctiones non esse  
passim æquali auctoritate recipiendas ut  
Niceni, Chalcedonensis, & ceterorum genera-  
lium ex totius mundi consensu congregatorum,  
& receptorum; sed quia congrua veneratione pro  
causis necessariis, quarum definitiones in illis  
generalibus non inveniuntur, fides sit eis adhi-  
benda religione debita.

## C A P V T V.

## Synopsis.

I. Amiqno juri successit jus novum, ex Colle-  
ctione Isidori. Hac, preter canones, complectitur epi-  
stolas veterum Pontificum. Quæ germane non sunt, ut  
colligatur è Dionysio Exiguo. Quod etiam probatur è  
Bellarmino, & Baroni Ill. Cardinale, & auctore  
Pseudo-Isidori. Concinata sunt ex antiquis epistolis,  
& canonicis, ut plurimum.

II. Riculfus ex Hispania in Gallias hanc Colle-  
ctionem detulit. Isidorus Hispani tributa. *Hincmar*  
etate. Quare non affingenda, ut fit vulgo, Isidorus  
Mercator. Qui peccator dicitur in aliis codicibus. Isi-  
doro Hispani tribui non potest. Chronicorum Iulianii  
meminit Isidori Mercatoris Episcopi Setubensis.

III. Riculfus Moguntinus Episcopus, devotus

*Ecclesia Romana. Sententia harum epistolarum trans-  
cripta prima in Concilia Gallicana, tacito auctorum  
nomine. Deinde auctioribus aperte laudata.*

IV. Emerxit per Gallias alia Collectio sub nomi-  
ne Capitulorum Hadriani Papa; unde aliqua trans-  
cripta in collectionem Isidori, que apud Gallos auctio-  
ritate canonica non vigebat, augeat Hincmar.

V. Eius sententia de his epistolis, suscipienda ve-  
nerabiliter, sed canones servandos inviolabiliter.

VI. Nicolaus urget Gallicanos Episcopos ut has  
epistolæ admittant in canonem. Quod illi facere re-  
cusant.

I. **A**NTIQUEM juri, universalis Ec-  
clesia assensu roborato, successit  
jus novum, quod ab anno DCCXXXVI.  
publicari cœpit, & adnitente Nicolao I.  
& ceteris Romanis Pontificibus paulatim  
usu invaluit per Occidentis provincias. Ius  
illud comprehensum est Collectione Isido-  
ri, quæ ex Clementis, Anacleti, Evaristi,  
& antiquorum Pontificum epistolis, qui  
tempora Siricij præcesserunt, & è canoni-  
bus tam antiquis, quam Gallicanis, & His-  
panicis, compacta est. Epistola illæ apud  
eruditos viros gravi suspicione laborant;  
tum ob verborum fortes à secundi seculi,  
quo datae dicuntur, elegantia & nitore alienas;  
tum ob styli similitudinem, & eundem  
scribendi characterem, qui in omnibus  
epistolis occurrit; ita ut ab uno auctore,  
non à diversis Pontificibus, conscriptæ esse  
videantur. Accedit usus frequentissimus  
vulgatae scripturarum versionis, unde fit ut  
post Hieronymi atatem efficas esse necesse  
sit. Deinde & Hieronymo, qui scriptorum  
ecclesiasticorum catalogum texuit, & In-  
nocentio, Leoni, ceterisque Pontificibus,  
quorum germanæ epistolæ ad nos pervene-  
runt, omnino fuerunt incognitæ. Turria-  
nus his similibusque argumentis à Magde-  
burgensis prolatis satisfacere conatur,  
edito in eam rem volumine. Sed fortasse  
cessisset Dionysij Exiguæ testimonio: qui  
cùm veterum Pontificum epistolas jam à  
centum & mille annis cum summa diligen-  
tia colligeret, à Siricio initium sue compi-  
lationis facit. Hæc sunt ejus verba in episto-  
la ad Julianum Ecclesiæ Romanae Presby-  
terum: *Præteriorum apostolice sedis Presulum  
constituta, qua valui cari & diligentia collegi,  
& in quendam redigens ordinem, titulis distin-  
xi compositis; ita duntaxat ut singulorum Pon-  
tificum, quotquot à me precepta reperia sunt,  
sub una numerorum serie terminarem. Fortius*

Dionysij Exiguæ  
epistola ad Iulianum  
Prebiterum,  
edita à Fr. Flo-  
rente.

Ant. Augustini, in  
Notis ad Capitula  
Hadæ.